

IV

Za realizaciju ove Odluke zadužuje se Ministarstvo finansija i Kabinet premijera Kantona Sarajevo.

V

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02/01-11-20414/22

26. maja 2022. godine

Sarajevo

Premijer

Edin Forto, s. r.

Ministarstvo unutrašnjih poslova Kantona Sarajevo

Na osnovu čl. 21. stav (5) tačka a) i 23. stav (3) tačka d) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20) i člana 127. tačka r), a u vezi člana 104. stav (6) Zakona o policijskim službenicima Kantona Sarajevo ("Službene novine Kantona Sarajevo", br. 38/18, 26/19 i 39/20), na prijedlog policijskog komesara, ministar unutrašnjih poslova Kantona Sarajevo donosi

PRAVILNIK**O IZMJENAMA PRAVILNIKA O RADU JEDINICE ZA
PROFESIONALNE STANDARDE U UPRAVI POLICIJE
MINISTARSTVA UNUTRAŠNJIH POSLOVA
KANTONA SARAJEVO**

Član 1.

(Izmjena člana 1.)

U Pravilniku o radu Jedinice za profesionalne standarde u Upravi policije Ministarstva unutrašnjih poslova Kantona Sarajevo ("Službene novine Kantona Sarajevo", broj 45/20), u članu 1. riječi: "praćenje saradnje policije sa zajednicom i koordinacija rada organizacionih jedinica Uprave policije u ovoj oblasti" zamjenjuju se riječima: "praćenje i nadzor nad primjenom mjera zaštite na radu i pružanje stručne pomoći organizacionim jedinicama Uprave policije u provođenju i unapređenju sigurnosti i zaštite zdravlja na radu".

Član 2.

(Izmjena člana 4.)

U članu 4. stav (2) tačka b) riječi: "Odjeljenje za razvoj načela, procedura i standarda i zaštitu tajnih podataka", zamjenjuju se riječima: "Odjeljenje za razvoj načela, procedura, standarda, zaštitu tajnih i ličnih podataka i zaštitu na radu".

Član 3.

(Izmjena člana 5.)

U članu 5. tačka g) riječi: "praćenje i koordinacija saradnje policije sa zajednicom i predlaganje mjera za njeno unapređenje", zamjenjuju se riječima: "praćenje i nadzor nad primjenom mjera zaštite na radu i izrada planova mjera zaštite na radu".

Član 4.

(Izmjena člana 32.)

U članu 32. stav (4) se briše.

Član 5.

(Izmjena koja se odnosi na dio treći)

U dijelu propisa koji se odnosi na DIO TREĆI-RAZVOJ NAČELA, PROCEDURA I STANDARDA I ZAŠTITA TAJNIH PODATAKA tekst: "RAZVOJ NAČELA, PROCEDURA I STANDARDA I ZAŠTITA TAJNIH PODATAKA" mijenja se i glasi: "RAZVOJ NAČELA,

PROCEDURA, STANDARDA, ZAŠTITA TAJNIH I LIČNIH PODATAKA I ZAŠTITA NA RADU".

Član 6.

(Izmjena člana 51.)

U članu 51. riječi: "Odjeljenje za razvoj načela, procedura i standarda i zaštitu tajnih podataka", zamjenjuju se riječima: "Odjeljenje za razvoj načela, procedura, standarda, zaštitu tajnih i ličnih podataka i zaštitu na radu".

Član 7.

(Izmjena člana 54.)

Član 54. mijenja se i glasi:

"Član 54.

(Oblast zaštite na radu)

Odjeljenje, za Upravu policije preduzima nadležne poslove i zadatke u provođenju i unapređenju mjera sigurnosti i zaštite zdravlja na radu, a naročito:

- a) vrši unutrašnji nadzor nad primjenom mjera zaštite na radu,
- b) prati i proučava propise iz oblasti zaštite na radu i učestvuje u izradi općih i pojedinačnih akata iz navedene oblasti, te predlaže izmjene i dopune istih,
- c) prati stanje i izvještava neposrednog rukovodioca o povredama na radu, profesionalnim oboljenjima i bolestima u vezi sa radom,
- d) vrši analiziranje uzroka povreda na radu i profesionalnih oboljenja u saradnji sa ovlaštenim doktorom specijalistom medicine rada i predlaže mjere za unaprijeđenje sigurnosti i zaštite zdravlja na radu,
- e) prati i učestvuje u organizaciji provođenja zdravstvenih pregleda uposlenika koji rade na poslovima sa povećanim rizikom i analizira izvještaj o obavljenim zdravstvenim pregledima,
- f) vrši saradnju sa nadležnom inspekcijom rada, sindikatima i povjerenikom za zaštitu na radu kao i drugim ustanovama koje se bave sigurnošću i zaštitom na radu,
- g) sačinjava godišnji izvještaj koji dostavlja nadležnoj inspekciji rada o slučajevima propisanim zakonom ili drugim propisom iz oblasti sigurnosti i zaštite na radu,
- h) sačinjava izvještaje, analize, mišljenja, strategije, projekte, programe rada, informacije, kao i druge analitičko-informativne materijale iz djelokruga svog rada i rada Odjeljenja,
- i) vrši uspostavljanje, ažurno i tačno vođenje evidencija iz oblasti zaštite na radu,
- j) obavlja i druge poslove i zadatke koje odredi neposredni rukovodilac".

Član 8.

(Izmjena člana 58.)

U članu 58. stav (2) riječi: "inspektori za rad policije u zajednici" zamjenju se riječima: "stručni savjetnici za poslove zaštite na radu".

Član 9.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 01-9-04-3573/22

06. juna 2022. godine

Sarajevo

Ministar

Admir Katica, s. r.